



Examens finals a la scola chantunala

Dacurt han 265 giuvenils terminà cun success la scola chantunala cun la maturitad u cun il diplom.

2



Rodolfo Plozza – in ami dal Surmeir

Cun la mort da Rodolfo Plozza ha il parlament grischun pers ina persunalitad marcanta e bun ami da Surmeir.

9

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Exposiziun da capricorns

■ (anr/mdp) Il capricorn es üna da las bes-chas chi s'associescha bod spontanaing cullas Alps. Ma d'eira quai propcha adüna il cas? Ün'exposiziun extraordinaria i'l Center d'Infuormaziun dal Parc Naziunal Svizzer (PNS) dà resposta a quista dumonda ed a bleras otras. Quist'exposiziun han preparà collavuraturs da l'Università da Turich e

dal Museum da la natüra da Cuira. In occasiun da l'avertüra da l'exposiziun cumünaivla in marcurdi passà han referi la scienziada Iris Biebach da l'Università da Turich e seis collega Flurin Felli, il manader scientific dal PNS. L'exposiziun vain muossada fin ils 25 avrigl da l'on chi vain.

> PAGINA 7

En success cumplagn

■ (anr/gns) An Surses vo dumang igl pass da vacanzas dalla pro juventute alla fegn ed an Val Alvra cozza chel anc set deis. Radond 400 scolars davent da Beiva anfignen Lai e davent da Farrera anfignen Barvogn èn vedlonder cun zamberger, modelar, far gis, cuschnar u schiglio cun otras tgossas. Igl domber digls unfants tgi absolvan

igls 140 curs è sa redutgia angal per pac. Las cunorganisatouras digl pass da vacanzas, Rita Margreth e Claudia Demarmels-Capeder, fon ena bilantscha positiva dallas davosas dus emdas. Ellas èn cuntaintas tgi igls cumegn ed anc blers oters on sustignia igl pass da vacanzas.

> PAGINA 8



Pizza gosta a tots unfants e da far chella sez è fitg interessant e surtot ins sogl metter se chegl tgi plai: (san.) Gian Carlo Torriani, igl hoteleir digl hotel Solaria a Beiva.

FOTO G. N. STGIER

Festival da jazz a San Murezzan

■ (anr/mfo) Il club privat «Dracula Club» a San Murezzan es dürant ün mais avert al public. In occasiun dal quart Festival da Jazz da San Murezzan pon indigens e giasts gioidair da tuotta sorts puncts culminants da la scena da musica speciala. «Musicists e musicistas sco eir chantaduors e chantaduras cuntshaintas stül palc internaziunal da la scena da la musica da jazz pisseraran dals

15 lügl fin als 15 avuost a San Murezzan per pel d'giallina e mumaints inschmanchabels», decleraran ils organisatours da l'eveniment dvantà renomnà sün tuot il muond. Üna novità cha'l festival spordscha quist on sun ils concerts publics chi han lö las dumengias sün la piazza cumünala da San Murezzan.

> PAGINA 7

Traplà dealers da drogas a Cuira

■ (lq) Il servetsch da drogas da la polizia chantunala ha traplà in dealer da drogas che ha vendi radund 1,6 kilos heroin en la valita da radund 80 000 francs. En connex cun questa proceder ha la

polizia plinavant pudì eruir ulteriuras 19 personas da nazionalità svizra ed estra che han cunterfatg a la lescha da meds toxicomans. Ils delinquents vegnan uss atgisads a la Procura publica.

Servetsch d'abunents e da distribuziun: tel. 0844 226 226 mail: abo@suedostschweiz.ch

Cultura ella tenda

La quarta presentaziun dall'Opera Viva cun novaziuns

DA GIUSEP VENZIN / ANR

■ Il reschissur René Schnoz dat las davosas instrucziuns a Szilvia Rálik ed ad Anatolij Fokanov. Il cantadur russ gioga Nabucco ella opera da Giuseppe Verdi e l'artista ungharesa sia feglia premnaschida. Dils cantadurs ellas rollas principalas spetga il directur artistic Gion Gieri Tuor dabia: «La vusch d'Anatolij Fokanov fa sguazia dil dies giu.» Sonda en ovg dis ei premiera ella tenda a Sursaisa. Suenter in onn pausa tuorna l'Opera Viva sin tribuna – per l'emprema gada senza la Compagnia Rossina che ha dau en il tun ellas treis empremas producziuns el rom dall'Opera Viva. Cull'emprema egliada ei semidau pauc en cumparegliazun culs davos onns, mo Gion Gieri Tuor empermetta: «Ei dat entginas novaziuns.» Quei ei denter auter il niev sistem da culissas malegiadas da Rudolf Mirer che detti dapli spazi d'interpretar l'ovra da siu cumponist favoriu, ha il directur musical detg. Cun



Szilvia Rálik ed Anatolij Fokanov giogan las rollas principalas ella opera Nabucco da Giuseppe Verdi che vegn dada questa stad a Sursaisa.

FOTO G. VENZIN

Corinna Laube han el e René Schnoz engaschau ina coreografa e saltunza per instruir igl ensemble els saults da character. Ursina

Schmid, ina dunna indigena cun dabia experientscha, ha creau ils costumes. Ina jamna avon la premiera ein ton sco tut ils bigliets

vendi. «Nus essan prest semtgai», ha Gion Gieri Tuor detg.

> PAGINA 3

Il bratsch tonscha el Grischun

Activitads dalla mafia calabresa ein enconuscentas el Grischun

DAD ANDREAS CADONAU

■ Parzialmein ein activitads dalla mafia calabresa, la Ndrangheta, enconuscentas el cantun Grischun. Tenor Stephanie Oesch seconcentreschan quellas activitads per gronda part sin la fiera d'immobiglias. Quei facit trai buca sulet la politologa Stephanie Oesch. Il giurist ed

anterior representant dil cantun Tessin el parlament federal, Sergio Salvioni, vesa potenzial per activitads dad organizaziuns criminalas els gronds loghens turistics grischuns. Salvioni ha numnau ina summa schazegiada da 100 milliardas euro che la mafia calabresa stoppi transmitter annualmein dad activitads illegalas sil binari legal. Aschia seigi ella interessada

d'investar en immobiglias da luxus per deponer spert grondas summas. Sergio Salvioni cusseglija allas autoritads da tener bein en egl la derivonza da grondas capitalias che flessegian el marcau d'immobiglias. «Buca tut las bancas ein schubras, ni en Svizra ni ell'Italia, ni schiglioc enzanua.»

> PAGINA 5



Anita Fetz – oratura festiva a Glion

■ (mc) Sco oratura alla Fiasta nazunala ha il marcau da Glion envidau uonn la cussegliera dils stans Anita Fetz da Basilea. Il cussegl dil marcau da Glion selegra d'astgar beneventar egl emprem marcau sper il Rein ina representanta dil davos marcau spel Rein sin territori svizzer. Sin fundament da quei inscunter vul ins instradar ulteriuras sentupadas e cooperaziuns denter Basilea e Glion. La historiografa e cussegliadra d'organizaziun Anita Fetz (53) ei burghesa da Domat, denton naschida e carschida si a Basilea. Ella ha entschiet sia carriera politica 1984 ell'anteriura organizaziun progressiva POCHE ed ei entrada 1995 ella Partida socialdemocratica. Anita Fetz ei stada 12 onns deputada el cussegl grond, 9 onns cussegliera nazunala e dapi 2003 cussegliera dils stans per Basilea-marcau.



Era la fiera d'immobiglias dil cantun Grischun para dad esser attractiva per daners dalla mafia.

KEYSTONE